

आकाशवाणी

खबरां

1 आर्थिक मामलें उप्पर केंद्री मंत्रीमंडल कमेटी नै 12 नमिएं ग्रीन फील्ड उद्योगिक स्मार्ट सीटीज़ दी मंजूरी देई दित्ती ऐ।

2 आर्थिक मामलें उप्पर केंद्रीय मंत्रीमंडल कमेटी नै भारतीय रेलवे दियें नमियें लाइनें ते बहु ट्रेकिंग परियोजना गी मंजूरी दित्ती ऐ।

3 आर्थिक मामलें उप्पर केंद्री काबीना कमेटी नै 234 शैहरें च कोई 730 एफ.एम चैनलें लेई ई-निलामी गी मंजूरी देई दित्ती ऐ।

4 शिड़क यातायात ते जरनैली शिड़क मंत्री नितिन गडकरी होरें आखेआ जे मुलखै च शिड़क हादसे गी घट्ट करने गितै सरकार बड़ियां गेंह पुट्टा रदी ऐ।

5 बंज बपार ते उद्योग लेई केंद्रीय मंत्री जितिन प्रसाद होरें आखेआ जे 2030 बरे तोड़ी मुलखै दा औषधि क्षेत्र 130 बिलियन अमरीकी डालर तोड़ी पुज्जी जाग।

<><><><><><>

Cabinet Industrial Cities

केंद्री मंत्रीमंडल नै मुलखै दे उद्योगिक परिदक्ख च बदलाव गिततै राश्ट्रीय उद्योगिक गलियारा सरबन्धी विकास कार्जक्रम तैहत 12 नमियें ग्रीन फील्ड उद्योगिक स्मार्ट सीटीज़ दी मंजूरी देई दित्ती ऐ। नमीं दिल्ली च कैबिनेट दी बैठका मगरा मीडिया गी संबोधित करदे होई सूचना ते प्रसारण मंत्री अश्विनी वैष्णव होरें आखेआ जे इनें उद्योगिक इलाकें च सांझा तखमीना निवेश कोई 28 ज्हार 602 करोड़ रपे होगा। उनें आखेआ जे इनें परियोजनाएं कन्नै कोई 10 लक्ख सुदे ते कोई 30 लक्ख अप्रत्यक्ष नौकरियां खडेरियां जांगन। परियोजनाएं दा विस्तार 10 राज्यें च कीता जाग ते रणनीतिक तरीके नै गलियारें कन्नै योजनाबद्ध ढंगै नै आहनेया जाग। इंदे च उत्तराखंड च खुरपिया, बिहार च गाया, पंजाब च राजपुरा-पटियाला, तेलंगाना च दिघी, आंध्र प्रदेश च ओर वकल ते कोपारथी केरल च पालखडु, राजस्थान च जोधपुरपाली ते उत्तर प्रदेश च आग्रा ते प्रयागराज शामिल न।

<><><><><><>

Cabinet-Rail Lines

आर्थिक मामले ताई कैबिनेट कमेटी नै कोई 6 ज्हार 65 करोड़ रपे दी तखमीना लागता उप्पर भारतीय रेलवे दे इक बहु ट्रेकिंग परियोजनाएं ते दऊं नमिएं यूनितें दी मंजूरी देई दित्ती ऐ। इनें परियोजनाएं राएं संपर्क, यात्रा च सौक्ख, साजो-समेयान दी लागता गी घट्ट करने, तेल दा आयात घट्ट करना ते कार्बन डायकसइड उत्सर्जन गी घट्ट करना मुक्ख तौरा प9र शामिल न। बैठका बाद मीडिया गी संबोधित करदे होई नमीं दिल्ली च सूचना ते प्रसारण मंत्री अश्विनी वैष्णव होरें आखेआ जे जमशेदपुर, पुरूलिया, असनसोल दी 121 किलोमीटर दी लाइन ते 37 किलोमीटर सरदगे-भालूमिडा नमीं दऊं लाइन आहली परियोजनाएं दी मंजूरी दित्ती गेई ऐ। नमीं लाइन आहली परियोजन कन्नै कोई 1 ज्हार 300 ग्राएं ते कोई 11 लक्ख आबादी गी संपर्क थ्होग। इस परियोजना कन्नै निर्माण दौरान कोई 114 लक्ख कम्म आहले ध्याडें दा सुद्दा रोजगार बी पैदा होग।

<><><><><><>

PM-JDY

प्रधानमंत्री जन धन योजना दे 10 बरे पूरे होई गए न। योजना तैहत अजें तगर 53 करोड़ थवां मते लाभार्थियों गी बैंकिंग सुविधा दिती जाई चुकी दी ऐ। इस मौके पर प्रधानमंत्री नरेंद्र मोदी होरें सब्बनें लाभार्थियों गी बदाई दिती ते इस योजना गी सफल बनाने आलें गी धन्नवाद दिता। इक सोशल मीडिया पोस्ट च प्रधानमंत्री होरें आखेआ जे जन धन योजना नै माली समावेश गी बढावा देने ते करोड़ें बद्दे लोकें, खास करी महिलाएं, युवाएं ते हाशिए पर रौहने आले समुदायें गी सम्मान देने च महत्वपूर्ण भूमिका निभाई ऐ। केंद्री खजाना मंत्री निर्मला सीतारमण होरें आखेआ जे इस योजना तैहत 67 फीसद खाते ग्राएं ते अर्ध शैहरी क्षेत्रें च खोले गए न। योजना दे तैहत खोले गेदे कुल खातें चा 55 फीसद खाते महिलाएं आस्सेया खोले गए न।



Women Skill Training

कौशल विकास ते उद्यमिता सचिव अतुल कुमार तिवारी होरें आखेआ ऐ जे कर्मचारियों च महिलाएं दी हिस्सेदारी देसै दी अर्थ बवस्था दे बाद्दे च मती अहम भूमिका निभांदी ऐ। अज्ज नमीं दिल्ली च किशोरी कुडियें ते महिलाएं गी सशक्त बनाने सरबन्धी कार्यशाला गी संबोधित करदे होई उनें महिलाएं दे हुनर विकास दी लोड पर जोर भरेआ। उनें आखेआ जे भारत च किशोरी कुडियें ते महिलाएं गी सीमित सिखलाई, शिक्षा, सामरिक आर्थिक बाद्दा ते आर्थिक मौकें सने कई चुनौतियों दा सामना करना पौंदा ऐ। उनें आखेआ ऐ जे कौशल विकास ते उद्यमिता मंत्रालय ते महिलाएं ते बाल विकास मंत्रालय नै इनें चुनौतियों कन्नै निब्वडने लेई इक MOU उप्पर दस्तखत कीते न। महिलाएं ते बाल विकास सचिव अनिल मलिक होरें आखेआ ऐ जे MOU तैहत दऊं मंत्रालय महिलाएं गी गैर परम्परागत हुनर सिखलाई यानि Non Traditional Skill Training देने उप्पर कम्म करा'रदे न। इस पैहलकदमी दा मुख मकसद महिलाएं दी भागीदारी च बाद्दा करना, आमदनी च बाद्दा करना ते उद्यमशीलता ते आत्मनिर्भरता गी बढावा देना ऐ।



Cabinet-FM

केंद्री मंत्रीमंडल नै 234 शैहरें च कोई 730 निजी एफ.एम चैनलें लेई ई-निलामी कराने दे प्रस्ताव गी मंजूरी देई दिती ऐ। इस कन्नै मकामी भाषाएं च मकामी सामग्री गी बढावा थ्होग ते नमें रोजगार दे मौके बी खडेरे जांगन। सूचना ते प्रसारण मंत्री अश्विनी वैष्णव होरें आखेआ जे केंद्री मंत्रीमंडल दे फैसले कन्नै एफ.एम रेडियो गी टायर-2, टायर-3 शैहरें तोडी पुज्जोग। उनें आखेआ जे परियोजनाएं कन्नै मकामी प्रतिभा उप्पर ध्यान केंद्रित कीता जाग। केंद्रीय मंत्रीमंडल नै राई-बाई बुनियादी ढांचे सरबन्धी फंड दी केंद्री क्षेत्र आहली फंड दी केंद्रीय क्षेत्र आहली योजना दे प्रगति आहले विस्तार लेई बी मंजूरी देई दिती गेई ऐ। इस राहें राईबाई, बुनियादी ढांचे गी बढावा ते मजबूती थ्होग ते मुल्लवै दे करसानी समुदाय गी बी मदाद थ्होग।



Haryana-Voter List

हरियाणा विधानसभा चुनां लेई सब्बै 90 असैम्बली हल्कें दे अखीरी मतदाता सूची कल जारी करी दिती गेई। हरियाणा दे मुख चुनां अधिकार पंकज अग्रवाल होरें आखेआ जे सब्बै 20 ज्हार 629 मतदान केंद्रें दी अखीरी मतदाता सूची जारी करी दिती ऐ। उनें आखेआ जे 2 अगस्त गी

जारी पैहली लिस्ट च राज्य च 2 करोड़ 1 लख 61 जहार 750 मतदाता शामिल हे। अखीरली वोटर लिस्ट च हुन 2 करोड़ 2 लख 24 जहार 958 मतदाता राज्य च अपने मतदान दे हक्के दा इस्तेमाल करडन। इनें मतदाताएं चा 1 करोड़ 7 लख 11 जहार 926 मर्द मतदाता न ते 95 लख 12 जहार 574 महिला वोटर ना। जिले 2दे 458 मतदाता थर्ड जेंडर मतदाता ना। अग्रवाल होरें आखेआ जे 18 थमां 19 बरे दी बरेसू दे कोई 5 लख 1 जहार 682 नौजवान मतदाता ना। 85 बरे दी उम्मी कौला उप्परली उम्मी दी बरेसू दे कोई 1 लख 48 जहार 508 दिव्यांग ते 2 लख 30 जहार 967 मतदाता अपने हक्के दा इस्तेमाल करोग। एहदे अलावा 100 बरे दी उप्पर दी बरेसू दे कोई 8 जहार 818 मतदाता न ते 20 ते 29 बरेसू दी उम्मी दे कोई 41 लख 86 जहार 591 मतदाता अपने हक्के दा इस्तेमाल करोग। उनें जानकारी दिती जेकर 27 अगस्त उप्पर कुसै दा ना लिस्ट च नेई ऐ तां ओहू बलाक लेवल अफसर गितै राबता करन यां फही फार्म 6 गी भरियै यां फही वोटर हेल्पलाइन ऐप उप्पर भरिये 10 दिनें अंदर 2 सितंबर तोड़ी भेजी सकदे ना।

<><><><><><>

TRAI-Review

भारतीय दूर संचार नियामक प्राधिकरण ट्राय नै इक सलाह मिश्वरा सरबंधी जायजा कागज गी जारी कीता जिस च जनता थमां बिजन पंजीकृत टेली मार्किटें खलाफ नियमें गी मजबूत करने गितै विचार मंगे ना। प्राधिकरण नै स्पैम संदेश ते काल दी समस्या थमां निबडने ताई सुझा विचार मंगे ना। दुए क्षेत्रें च शकैतें दे नेडे गितै असरदार तरीकेकार, असरदार यू.सी.सी डेलीगेशन प्रणाली ते होरें शामिल ना। एहू पेपर ट्राय दी वेबसाइट उप्पर उपलब्ध ऐ ते सुझा अगले महीने दी 25 तरीक तोड़ी हितधारकें थमां लिखित रूपै च मंगे गेदे ना।

<><><><><><>

Gadkari-Road

शिडक यातायात ते जरनैली शिडक मंत्री नितिन गडकरी होरें अज्ज आखेआ जे मुल्खा च शिडक हादसें गी घट्ट करने गितै बडियां गै सरकार आस्सेया पुट्टियां जाई दियां ना। उनें आखेआ जे शिडक हादसे खास करियै जरनैली शिडका पर हादसे होने दे कारणें दा पता लाया जा'रदा ऐ। एहदे अलावा एम्बुलेंस गड्डियां ते उंदे अमले गी नमीं टेक्नोलाजी कन्नै लैस करिये हादसे आहली थाहरै थमां जखमीं लोकें गी समयसिर बचाने ताई कम्म कीता जा'रदा ऐ। गडकरी होरें एहू गल्ल नमीं दिल्ली च फिक्की शिडक सुरक्षा च फिक्की सडक सुरक्षा अर्वाड ते सम्मेलन 2024 दे 6में संस्करण च संबोधित करदे होई आक्खी। अपने संबोधन च गडकरी होरें आखेआ जे इक बरे च कोई 5 लख हादसे हुंदे न ते मुल्खै च हादसे करी कोई 1 लख 50 जहार लोक अपनी जान मुहाई चुके देन। मंत्री होरें हितधारकें जिस च उद्योगिक इकाइयां ते शिक्षण संस्थान बी शामिल न, गी अग्गे आइये शिडक सुरक्षा आडिट च अपना योगदान देने दी गुजारश कीती। स्हाडे संवाददाता दी रिपोर्ट मुताबक फिक्की शिडक सुरक्षा अवार्ड उनें उद्योगिक इदारें, सरकारी एजेंसिएं, एनजीओ-एं या इक्कले गी शिडक उप्पर सुरक्षित यातायात सरबंधी माहौल गी अग्गे बदाने च अपना योगदान दिता जंदा ऐ।

<><><><><><>

Jitin-Pharma

उद्योग ते बपार सरबंधी केंद्री राज्य मंत्री जितिन प्रसाद होरें आखेआ जे भारत दा औषधि क्षेत्र बरे 2030 तगर 130 अरब डालर दा उद्योग बनी जाग जेडा मौजूदा समें च लगभग 55 अरब डालर दा ऐ। ओहू अज्ज ग्रेटर नोएडा च इंडिया एक्सपो मार्ट च 10मीं अंतरराष्ट्रीय औषधि प्रदर्शनी दे उद्घाटनी कार्यक्रम गी संबोधित करा'रदे हे। उनें आखेआ जे भारत दवाएं दी मात्रा दे मामले च त्रीए सब्बनें थवां बड्डे उद्योग दे तौर पर जानेआ जंदा ऐ। उनें आखेआ जे भारत त्रै

ज्हार मती फार्मा कंपनीं दा घर ऐ ते एहदे कश साड्डे 10 ज्हार थवां मते निर्माताएं दा इक सशक्त तंत्र ऐ। केंद्री मंत्री होरें एहू बी दस्सेया जे जैनरिक दवाइएं दी मंग च स्हाडी हिस्सेदारी 20 फीसद ऐ। प्रसाद होरें इस गल्ला पर जोर दित्ता जे सरकार बरे 2047 तगर मुल्ख दे फार्मास्युटिकल उद्योग गी वैश्विक रूप कन्नै अगुवा बनाने आस्तै बचनबद्ध ऐ। प्रसाद होरें दस्सेया जे प्रधानमंत्री नरेंद्र मोदी हुंदी दूरदर्शी अगुवाई तैहत पिछले 10एं बरें च औषधि निर्यात 14 अरब 90 ज्हार करोड़ रपे शा बदिये 27 अरब 90 करोड़ अमरीका डालर तोड़ी पुज्जी गेआ ऐ। दुनिया भर थमां 400 शा मते विदेशी खरीदारें दी इस प्रदर्शनी च हिस्सा लैने दी मेद ऐ।

<><><><><><>

NTF-Meet

चिकित्सा पेशेवरें दी सुरक्षा ते कम्मकाजी हालात दे बारे किश हीलें उप्पर चर्चा गितै पुलस महानिदेशकें ते राज्य मुख्क सचिवें दी राश्ट्रीय कार्यबल बैठक लग्गी। बैठक दी सह अध्यक्षता केंद्री गृह सचिव ते सेहत सीगे च वीडियो कांफ्रेंस राएं होई। कार्यबल गी सुप्रीम कोर्ट आस्सेया गठित कीता गेआ हा जिस च मेडिकल पेशेवरें लेई रक्षा, सुरक्षा ते कम्मकाजी माहौल गितै सफारशां कीतियां जांगन। कल केंद्रीय काबीना सचिव होरें नमीं दिल्ली च कार्यबल दी पैहलकी बैठक दी अध्यक्षता कीती ही। बैठका च ब्यौरेवार मुद्दे उप्पर चर्चा कीती गेई ते कार्यबल दे मेंबरें अपनियां सुफारशां दित्तियां हियां। एनटीएफ मेंबरें जानकारी दित्ती जे बक्ख-बक्ख हितधारकें उंदे कन्नै सुद्दा संपर्क कीता ऐ ते निजी रूपै नै कोई 300 शा 400 सुझा थहोए न। केंद्रीय सेहत मंत्रालय नै अपनी वेबसाइट उप्पर राश्ट्रीय पोर्टल गी यानि **Suggestions to NTF** ना दे विशेष तैहत खडेरया ऐ जिस राएं समूलचे मुल्खै थमां इक्कले या फही बक्ख-बक्ख हितधारकें थमां सुझा दे इच्छुक न। बडे हितधारकें थमां सुझाएं गी मंत्रालय आस्सेया अगेत्री विचार-विमर्श लेई रक्खेआ जाग।

<><><><><><>

Bangladesh

बांग्लादेश च प्रो. मुहम्मद यूनस हुंदी अगुवाई आहली अंतरिम सरकार नै अज्ज जमात-ए-इस्लामी ते उंदी विद्यार्थी शाखा इस्लामी छात्र शिविर उप्पर पाबंदी हटाई लैती ऐ। इस सरबंध च गृह मंत्रालय नै इक अधिसूचना जारी कीती। अधिसूचना च लिखे दा ऐ जे आतंकवाद ते हिंसा च बांग्लादेश जमात-ए-इस्लामी ते उंदे विद्यार्थी संगठन इस्लामी छात्र शिविर दी शमूलियत दा कोई ठोस सबूत नैई ऐ। इस करी आतंकवाद बरोधी अधिनियम 2009 दी धारा 18 च शक्तियें तैहत सरकार नै पिछले सर्कुलर गी रद्द करी दित्ता जिस च पाबंदी लाई गेई ही। अधिसूचना च आखेआ गेआ ऐ जे फैसला तुरत प्रभाव कन्नै लागू होग।

<><><><><><>